

Komisija za pripremanje prijedloga za izbor

akadenskog osoblja u naučno-nastavno zvanje asistent za oblast

Genetika i oplemenjivanje biljaka

Sarajevo, 16.10.2020. godine

Broj:

POLJOPRIVREDNO-PREHRAMBENI FAKULTET
SARAJEVO

Primljeno:		19 -10- 2020	
Org. j.v.d.	Broj	Prilog	Vrijednost
	2225		

NASTAVNO-NAUČNOM VIJEĆU

POLJOPRIVREDNO-PREHRAMBENOG FAKULTETA

UNIVERZITETA U SARAJEVU

PREDMET: Izvještaj komisije za pripremanje prijedloga za izbor akademskog osoblja u naučno-nastavno zvanje asistent za oblast Genetika i oplemenjivanje biljaka.

Odlukom Nastavno-naučnog vijeća Poljoprivredno-prehrambenog fakulteta u Sarajevu br. 01-6-2068/20 od 05.10.2020. formirana je Komisija za pripremanje prijedloga za izbor akademskog osoblja u naučno-nastavno zvanje asistent za oblast Genetika i oplemenjivanje biljaka – jedan izvršilac sa punim radnim vremenom, u sastavu:

1. Prof. dr. Mirsad Kurtović, doktor poljoprivrednih nauka, redovni profesor Poljoprivredno-prehrambenog fakulteta Univerziteta u Sarajevu na predmetu Oplemenjivanje biljaka, predsjednik,
2. Prof. dr. Fuad Gaši, doktor poljoprivrednih nauka, redovni profesor Poljoprivredno-prehrambenog fakulteta Univerziteta u Sarajevu za naučnu oblast Oplemenjivanje biljaka, član
3. Prof. dr. Fikreta Behmen, doktor poljoprivrednih nauka, vanredni profesor Poljoprivredno-prehrambenog fakulteta Univerziteta u Sarajevu za naučnu oblast Voćarstvo, član

Nakon uvida u dostavljenu dokumentaciju od strane Sekretarijata Fakulteta, navedena komisija podnosi Nastavno-naučnom vijeću Poljoprivredno-prehrambenog fakulteta u Sarajevu slijedeći

IZVJEŠTAJ

Na raspisani Konkurs Univerziteta u Sarajevu, koji je objavljen od 17.09.2020. godine, blagovremeno su pristigle četiri prijave, kandidata: Sumedina Spahić-Vukojević (prijava broj: 926 od 28.09.2020.), Almira Konjić (prijava broj: 974 od 29.09.2020), Amela Lagumdžija (prijava broj: 938 od 30.09.2020.) i Indira Omerspahić (prijava broj 955 od 02.10.2020.).

1. Kandidatkinja **Sumedina Spahić-Vukojević** rođena je 15.12.1989. godine u Gradačcu.

Uz Prijavu na Konkurs, sa spiskom dostavljene dokumentacije, dostavila je slijedeće konkursom zahtijevane dokumente i dokaze: Biografiju (CV); Izvod iz matične knjige rođenih, Uvjerenje o državljanstvu, ovjerena kopija diplome i dodatak diplome o završenom prvom ciklusu studija na Poljoprivredno-prehrambenom fakultetu Univerziteta u Sarajevu, odsjek **Ekonomika poljoprivrede i prehrambene industrije**, smjer **Ekonomika agroindustrije** na kojem

je stekla zvanje bakalaureat poljoprivrede; Ovjerena kopija diplome i dodatak diplome o završenom drugom ciklusu studija na Poljoprivredno-prehrambenom fakultetu Univerziteta u Sarajevu, odsjek **Ekonomika poljoprivrede i prehrambene industrije**, smjer **Ekonomika agroindustrije** na kojem je stekla zvanje magistar poljoprivrede; Ovjerena kopija prevedene diplome i dodatak diplome o završenom doktorskom studiju na Institutu prirodnih nauka, Univerzitetu Selçuk, Konya, Republika Turska, odsjek **Poljoprivredna ekonomija**, smjer **Poljoprivredna ekonomija**, kao i ovjerenu kopiju Rješenja o priznavanju navedene diplome, izdate od strane Univerziteta u Sarajevu. Uvidom u dodatak diplome sa prvog ciklusa studija vidi se da je kandidatkinja položila sve ispite sa ostvarenom prosječnom ocjenom **8,54**. Uvidom u dodatak diplome sa drugog ciklusa studija vidi se da je kandidatkinja položila sve ispite sa ostvarenom prosječnom ocjenom **9,06**. Detaljnijim uvidom u dodatak diplome vidi se da je kandidatkinja na prvom ciklusu studija položila predmet Genetika (3 ECTS) sa ocjenom 8, te da nije slušala niti jedan predmet vezan za oplemenjivanje biljaka na prvom ili drugom ciklusu. Kandidatkinja je u biografiji navela autorstvo u tri konferencijska saopštenja, objavljena 2016. i 2018 godine. Navedena saopštenja vezana su za temu dokorskog rada kandidatkinje tj., poljoprivredne ekonomije. U biografiji je također navedeno poznavanje engleskog i turskog jezika.

2. Kandidatkinja Almira Konjić je rođena u Tuzli 23.12.1993. godine.

Uz Prijavu na Konkurs, sa spiskom dostavljene dokumentacije, dostavila je slijedeće konkursom zahtijevane dokumente i dokaze: Biografiju (CV); Izvod iz matične knjige rođenih, Uvjerenje o državljanstvu, Ovjerena kopija diplome i dodatak diplome o završenom prvom ciklusu studija na Poljoprivredno-prehrambenom fakultetu Univerziteta u Sarajevu, odsjek **Biljna proizvodnja**, smjer **Voćarstvo** na kojem je stekla zvanje bakalaureat poljoprivrede; Ovjerena kopija diplome i dodatak diplome o završenom drugom ciklusu studija na Poljoprivredno-prehrambenom fakultetu Univerziteta u Sarajevu, odsjek **Biljna proizvodnja**, smjer **Fitomedicina** na kojem je stekla zvanje magistar poljoprivrede. Uvidom u dodatak diplome sa prvog ciklusa studija vidi se da je kandidatkinja položila sve ispite sa ostvarenom prosječnom ocjenom **8,37**. Uvidom u dodatak diplome sa drugog ciklusa studija vidi se da je kandidatkinja položila sve ispite sa ostvarenom prosječnom ocjenom **9,00**. Kandidatkinja je dobitnik **Priznanja za postignuti uspjeh u toku studija**, dodjeljen **povodom obilježavanja 77. godišnjice** Poljoprivredno-prehrambenog fakulteta Univerziteta u Sarajevu. Detaljnijim uvidom u dodatak diplome vidi se da je kandidatkinja na prvom ciklusu studija položila predmete Genetika (6 ECTS) sa ocjenom 8, Oplemenjivanje biljaka (6 ECTS) sa ocjenom 10, Biljni genetski resursi (3 ECTS) sa ocjenom 9, te predmet Genetske osnove otpornosti biljaka (3 ECTS) sa ocjenom 10.

Kandidatkinja je također priložila uvjerenje da je njen otac, Admir Konjić, tokom odbrambeno-oslobodilačkog rata bio pripadnik OS RBiH. Kandidatkinja je u biografiji navela autorstvo/koautorstvo **dva rada koja prate relevantnu bazu podataka**, kao i tri saopštenja na naučnim konferencijama i simpoziju. Navedeni radovi i saopštenja vezana su za naučnu oblast fitopatologije, integralne zaštite i informacionih tehnologija. Kopije navedenih radova i saopštenja su priloženi u dostavljenoj dokumentaciji. Također, priloženo je i uvjerenje o stečenom radnom iskustvu u trajanju od 12 mjeseci pri Ministarstvu za poljoprivredu, šumarstvo i vodoprivredu Tuzlanskog Kantona, kao i opsežna preporuka od strane ministra datog resora. Nadalje, kandidatkinja je priložila certifikat o uspješno obavljenoj **IAESTA stručnoj praksi** pri Institute for Horticulture, Ege University u trajanju od 15.07.2015 do 01.09.2015.godine, gdje je kandidatkinja prošla obuku za *in vitro* propagaciju. Također, priložila je uvjerenje o stjecanju 20 ECTS na Faculty of Biology, Masaryk University, Brno, Češka republika, gdje je kandidatkinja boravila jedan semestar (12.02.17. – 11.07.17.) kroz **Erasmus + program mobilnosti** studenta i slušala sljedeće module: Citologija i fiziologija biljaka, eksperimentalna biljna biologija, urbana klimatologija i napredni engleski jezik za biologe.

Kandidatkinja je također priložila i certifikat o uspješnom završetku **The Cochran Fellowship Program**, održanom od strane USDA, u sklopu kojeg je boravila od 06.08. do 20.06.2016.godine u Minneapolis, SAD. Nadalje, u dokumentaciji je priložen certifikat o uspješno završenoj obuci pod naslovom „Introduction to GIS as a tool for sustainable land management“, kao i diploma za osvojeno 3. mjesto na takmičenju najinovativnijih prezentacija u sklopu Manifestacije Evropska noć istraživača BiH 2016. Također, priloženi su certifikati o poznavanju tri strana jezika (engleski, njemački i italijanski), gdje se izdvaja engleski sa **C1** stepenom.

Uvidom u priloženu biografiju može se vidjeti da je kandidatkinja obnašala funkciju demonstratora tokom dvije godine studija, učestvovala na dvije dodatne obuke vezane za poljoprivredu, i to u Francuskoj i Norveškoj, te do danas uzela aktivno učešće u sklopu **tri međunarodna projekta**. Također u biografiji, kandidatkinja je navela da je kroz obuke, studijske i stručne boravke, te ostale tipove usavršavanja stekla laboratorijske vještine vezane za *in vitro* propagaciju, izolaciju DNK, PCR, ELISA, kao i rukovanje sa širokim dijapazonom standardne laboratorijske opreme.

3. Kandidat Amela Lagumdžija je rođena u Kirklareli, Turska 08.03.1996. godine.

Uz Prijavu na Konkurs, sa spiskom dostavljene dokumentacije, dostavila je slijedeće konkursom zahtijevane dokumente i dokaze: Biografiju; Izvod iz matične knjige rođenih, Uvjerenje o državljanstvu, Ovjerena kopija diplome i dodatak diplome o završenom prvom ciklusu studija na Poljoprivredno-prehrambenom fakultetu Univerziteta u Sarajevu, odsjek **Prehrambene tehnologije**, smjer **Prehrambene tehnologije** na kojem je stekla zvanje bakalaureat prehrambene tehnologije; Ovjerena kopija diplome i dodatak diplome o završenom drugom ciklusu studija na Poljoprivredno-prehrambenom fakultetu Univerziteta u Sarajevu, odsjek **Prehrambene tehnologije**, smjer **Tehnologija proizvoda biljnog porijekla** na kojem je stekla zvanje magistar prehrambene tehnologije. Uvidom u dodatak diplome sa prvog ciklusa studija vidi se da je kandidatkinja položila sve ispite sa ostvarenom prosječnom ocjenom **8,26**. Uvidom u dodatak diplome sa drugog ciklusa studija vidi se da je kandidatkinja položila sve ispite sa ostvarenom prosječnom ocjenom **8,67**. Detaljnijim uvidom u dodatak diplome vidi se da kandidatkinja nije slušala niti jedan predmet vezan za oplemenjivanje biljaka na prvom ili drugom ciklusu.

Kandidatkinja je također priložila potvrdu da je obnašala funkciju demonstratora, kao i dvije potvrde o završenoj obuci na temu „Škola sirarstva“ i edukaciji pod nazivom „Food safety“. Kandidatkinja je u biografiji navela koautorstvo na **jednom radu koji prati relevantnu bazu podataka**, kao i tri saopštenja na naučnim konferencijama i kongresima. U biografiji je također naveden veći broj aktivnosti vezanih za prakse i rad u mlječnoj industriji, kao i poznavanje engleskog jezika sa **B2** stepenom.

1. Kandidat Indira Omerspahić je rođena u Goraždu 06.02.1995. godine.

Uz Prijavu na Konkurs, sa spiskom dostavljene dokumentacije, dostavila je slijedeće konkursom zahtijevane dokumente i dokaze: Biografiju (CV); Izvod iz matične knjige rođenih, Uvjerenje o državljanstvu, Ovjerena kopija diplome i dodatak diplome o završenom prvom ciklusu studija na Poljoprivredno-prehrambenom fakultetu Univerziteta u Sarajevu, odsjek **Zootehnika**, smjer **Animalna proizvodnja** na kojem je stekla zvanje bakalaureat poljoprivrede; Ovjerena kopija diplome i dodatak diplome o završenom drugom ciklusu studija na Poljoprivredno-prehrambenom fakultetu Univerziteta u Sarajevu, odsjek **Zootehnika**, smjer **Animalna proizvodnja** na kojem je stekla zvanje magistar zootehnike. Uvidom u dodatak diplome sa prvog ciklusa studija vidi se da je kandidatkinja položila sve ispite sa ostvarenom prosječnom ocjenom **6,95**. Uvidom u dodatak diplome sa drugog ciklusa studija vidi se da je kandidatkinja položila sve ispite sa ostvarenom prosječnom

ocjenom **8,29**. Detaljnijim uvidom u dodatak diplome vidi se da je kandidatkinja na prvom ciklusu studija položila predmet Genetika (6 ECTS) sa ocjenom 6, te da nije slušala niti jedan predmet vezan za oplemenjivanje biljaka na prvom ili drugom ciklusu. U sklopu dokumentacije dodatno je priložen nalaz i mišljenje da je otac kandidatkinje RVI.

Mišljenje i prijedlog

Na osnovu uvida u priloženu dokumentaciju kandidata, Komisija konstatuje da tri prvonavedene kandidatkinje ispunjavaju uvjete za izbor asistenta propisane Zakonom o visokom obrazovanju Kantona Sarajevo, te Pravila Univerziteta u Sarajevu i Pravila Poljoprivredno-prehrambenog fakulteta, a Nastavno-naučnom vijeću predlaže da se u zvanje asistenta na oblasti Genetika i oplemenjivanje biljaka, kao najbolje od tri kandidatkinje, izabere **Almiru Konjić**. Prijedlog se potkrepljuje sljedećim činjenicama:


1. Pored općih zakonskih uvjeta, kandidatkinja ispunjava uvjete utvrđene članom 96. Zakona o visokom obrazovanju KS za izbor u naučno-nastavno zvanje asistenta. Završila je odgovarajući I i II ciklus studija na Poljoprivredno-prehrambenom fakultetu sa prosječnim ocjenama **8,37**, odnosno **9,00**.
2. Kandidatkinja je, kao jedina od svih koji su konkurisali, slušala i uspješno položila predmete vezane za **Oplemenjivanje biljaka**, tj. predmete iz oblasti za koju je raspisan konkurs.
3. Kandidatkinja je, jedina od aplikanata, dobitnica **Priznanja za postignuti uspjeh u toku studija**. Ostale kandidatkinje nisu dobitnice ovog niti drugih priznanja ovog tipa.
4. Kandidatkinja se ističe u pogledu naučno-istraživačkih sposobnosti, (**dva rada koja prate relevantnu bazu podataka**, tri saopštenja na naučnim konferencijama i simpoziju, kao i učešće na **tri međunarodna projekta**).
5. Kandidatkinja je učesnik većeg broja studijskih boravaka i usavršavanje u Sjedinjenim Američkim Državama, Turskoj, Norveškoj, Francuskoj, te je boravila jedan semestar (12.02.2017– 11.07.2017.) kroz **Erasmus + program mobilnosti** na Faculty of Biology, Masaryk University, Brno, Češka republika, gdje je stekla 20 ECTS bodova.
6. Kandidatkinja posjeduje zavidno znanje u pogledu poznavanja stranih jezika, kao i mnogobrojne laboratorijske vještine.

Komisija je jednoglasna u mišljenju da je, na osnovu svih priloženih dokumenata, Almira Konjić najbolji od sva četiri kandidata koji su konkurisali za izbor u zvanje asistenta na oblasti Genetika i oplemenjivanje biljaka.


Uvažavajući navedeno, Komisija predlaže Nastavno-naučnom vijeću Poljoprivredno-prehrambenog fakulteta u Sarajevu da Almiru Konjić, magistra poljoprivrede, izabere u zvanje asistenta na oblasti Genetika i oplemenjivanje biljaka.

Članovi komisije:

Prof. dr. Mirsad Kurtović



Prof. dr. Fuad Gaši



Prof. dr. Fikreta Behmen

